

mohmen hatam cufet arates mahokanc
 cufet oewan esket aret omates momen
 momatetan hatce kololoket omen estami
 alkis owa lawlake alket ocet on omen
 man ma cufetat eskepet arepet omatetot
 estakwanayat akkake alket omen kerrates
 momet okat ma cetton emponayet okat
 parko fakan etenhalatepakes ~~hak~~ hamken
 erkecen okat kos cayekce heret omes
 castomehceckekos kicet oman momis
 anet okika tenhalatakes kicen mometis
 okis kicates momen hatam hamken
 maw matapomen rehkičen maw
 okat cayekce heret omes castomeh-
 ceckekos kicen momis anet okika kicen
 momaranan omes kihcet ohmen
 mon omat parko faka hopohyin matares
 kihcet ayat parko faka hopoyet aret parko
 faka capkon hopoyehpet momosen ma
 oewa eraktekkeken erakwakehcet hatam
 ayat hatam ma estakwanaya hamke
 aklikat maw matapomen ma parko
 faka eremakwakehcet okatet parko fakan
 nekeyicit pihkin omat momosen
 halatayat okares kihcet eratat hatam
~~hak~~ hamken maw remohret maw
 matapomen kicen mon omat

momares kihcen ayat man okeka
 estimi alkis hokkolan momen kiceka
 momosen ma parko faka narkapan
 ahyet momosen erennekeyihcet mo-
 mosen pihket omen halate heret
 okes komat momosen estimi alkis
 halatakates mohmet here mahen
 etenhalatet parko faka tat wekekecke
 haken sakkakepen cufe tat pihket
 tafa hvtkuce kacakhecet ma parko faka
 tenhalate wakechoyat narkapan afa-
 tosket ahkopanet ahrepatet letiket
 ayat hatce erofanket erhecan ma cetto
 tat yossice omanton hatam yesaletken
 hecet rohuratetut raletkat hatam tek-
 hoyanat hatam hamken rehhecan
 maw matapomen maw yossice ome
 haken hatam yesaletken sakkaket on
 estami alkis rehhecet semetohharet ~~ap~~
 apelicet arepen kut cufet omatet moma-
 teken yekcetot omehakes estakwanaya
 hamket kohmet yohfaniket hecan
 cufe tat naken halatekut ahkopan-
 et arepen eshecates mohmet eme alken
 ma ~~parp~~ parko faka etenhalatet omat
 erkerrakates mont momosen okakat
 sanacoma oewa pomeskeket aret

omares kicakates momen cufe tat
ayepates mont arepet omatet ecoce
harpe tokohosanton aciyet momosen
ayates aret oewa ocat eroret okat
Oewan amencahokat omepacuket
ont omis arit omis kicet omen Centokon
Pasokolayan okhoyatet omes kihocen
momosen oewa tat eskeht ayepates mont
arepet omates momen ayen mat pasoko-
layat aret ont omis okepe ont omat ayen
erokerhohoyates mont omet nake este
ahaken colokcowat este hayakaten
hatce afopken enhurihocen momosen
erorates mont oewan cemeskaranis
ce kicen ont omis man wenakekot
omepeka nak makeko tayet hurepen
ohhahyet cenafkares amponayeck-
eko tayen omat kicet omis man
wenakepekok emponayekot omepen
momosen nafkates nafkan enke esnaf-
kan aloppates momen cawikas hatam
canke palhamket ahosket os man
escenafkin omat celecares monka
elkan ceyacekon omat cawikas
kicen ometo stomis man colokcowat
omepeka naken makekut omepen
man okeka enke palhamkat hatam

esnafkates momen maw matapomen
aloppepates mon hatam calet ahosket
os man secohrefkin omat celecares
monka cawikas kican wikeko tayen
hatam ohrefkan maw aloppepates mon
hatam cale palhamket ahosket os
kicen ont omis nak makepekut huret
omepen hatam ele palhamkan hatam
esohrefkan maw alokpehpen okatet
cakat ahosket os matat estometo stomis
celecares monka cawikas kicet omis
man colokcowat omepeka eshurepen
eshehcet ma cufe tat eshoyates mont
emafasitet senfaccecat tohahawan
apihket semohrahrihcet oewan asak-
wikakes ~~ke~~ kihocates mont man
momecaranet senfaccecet omhoyeka
momosen tohahawa tat semohcakca-
hehcet hatce onapa resohlihocen
sohlikof yahat erorates mont okat
vnhesse eston momet lekecka kicen
kut sokha tutcenan lokeckekon
heya oewan aecekwikaranet omes
cikihocet ont oman lokepako tayet
omepeka heya oewan acakwihoka-
ranat talkuset omen likit omis
kicet omen okat cemen cenwihkin

Cent loeckes kicet omen mon omat
momepekas anet omares monka osi
yet oncken ane mit ceiyin amohr-
anas kihcen mi yaha mit ma toh-
ahahawa tat ceiyen cufe tat
ossehpet momosen yaha min ma
tohahawa semohcackahehcet ayepen
ma oewa asakwikarane fullate
erorihcet momosen asakwika-
ranet omhoyen ane matoyaks
matoyaks makosen asakwihokates
mohmen ayepen hofone haken na-
kafet apohoken cufet ton omat
aheckatekat eroren ma este nakafte
kakat hecakates mont okakat
pasokolaya anna aret ometatet
eralaket os kicet arak kuhuoc
heren likates mont nake onaka
oce heret omes monka ponnakona-
yekas kihocen liket okat mont
os hiyomat ma mome oewa acak-
wihokate ayayat ayayisan ma
hatce aknarkapa erorakan nenapas
ke rakkot alaket omaten man aya-
yat ayit omayisan este apoken
erorayatet os momen afacketa
estomet komakat man omalkat

ocepel omepen pokkechetat koma-
kat matawat hoktake tatew ehe
sakekat tayet omepeka estehiwat
sekot on omat estihitake sulketo
stomis arepaket ont omen yama
tat ra akerricake taye onkot mat
talwa heret ocet os mont omen man
rorit omika man arepit omayetanket
omis arit eratares mahket eratit omis
maket likates mahokanc mon este
tat eyacakat anet ayares maken
momosen tohahawan atehet ma
oewa tat este sulken sap palathoyates
momen sanacoman hecka sekut so-
mecen momosen apohoke saset
omen momosen cufe tat ma
oewa vksomiket ma nene akko-
ce makat man aye omet ayat
ma oewa aksomke ayat akkahopay-
en erossepantot arepatet hatam ma
oewa aksomketat eratet ma hateces-
ka aksomkate mahosat yafankantot
yosset nake onayet arates mont
okat yama este fulle apeyatot on
omat estofan yama era akerrice taye
tokot apokes ehitaketis tucenet monkat
hatam ostis ocakepeka estohmen

yama tat ra akerrice taye tokot
apokes momet netta omalkan pokkec-
hetat momen opankat afacketa esto-
me atekat omalkepat omepen fullepet
os monka este estometo stomis ma
etalwa eroreto atekat erawoskaranat
talkuset omepeka estofan esti tat era-
tet areko tayet ont omis antat sa-
merolopka omecicen eratit tohharit
omis maket matat nake onayet
aret omen momosen sokhahatkat
man ayetan eyacet aret ehaswan
hokkolen hayet arates ma hoktake
estohme ~~st~~ setetahoyeko tayan man
ayin omat cahitake sulken lika-
ye tayet etalwa tat ocet omacoks
kont momosen ma etalwa ohnene
hopoyates mont ma oewa tat vksom-
kantot oewa ofa vkyakapet etetiket
nenen hecetan eyacet onka awice-
kut aktaskemahates momet kasap-
eto stomis vkhatapket omen ma
oewa vkkasappe akkarat omecicen
ma sokhahatka ehace enkasappet
maket onahoyance ce monka
hoktake eyacka omecicen ehace talecet
omates